

Home > GUGLIELMO D'AQUITANIA > EDIZIONE > Compagno, non puosc mudar qu'eo no m'effrei > Edizioni > Jeanroy

Jeanroy

I

Compagno, non puosc mudar qu'eo no m'effrei
de novellas qu'ai auzidas e que vei,
Qu'una domna s'es clamada de sos gardadors a mei.

II

[E] diz que non volo prendre dreit ni lei,
ans la teno esserrada quada trei,
tant l'us no·ill largu[a] l'estaca que l'altre plus no la·ill plei.

III

[E]t aquil·l fan entre lor aital agrei:
l'us es compains gens a for mandacarrei,
e meno trop major nauza que la mainada del rei.

IV

[E]t eu dic vos, gardador, e vos castei,
e sera ben grans folia qui no·m crei:
greu veirez neguna garda que ad oras non somnei.

V

[Q]u'eu anc non vi nulla domn' ab tan gran fei,
qui no vol prendre son plait o sa mercei,
s'om la loigna de proessa que ab malvestatz non plaidei.

VI

[E] si·l tenez a cartat lo bon conrei,
adoba·s d'aquel que troba viron sei;
si non pot aver caval [...] compra palafrei.

VII

[N]on i a negu de vos la·m desautrei:
s'om li vedava vi fort per malavei,
non begues enanz de l'aiga que·s laissez morir de sei?

VIII

[C]hascus beuri'ans de l'aiga que·s laissez morir de ssei.

Source URL: <https://letteraturaeuropea.let.uniroma1.it/?q=laboratorio/jeanroy-0>